

# 讀汝這本冊

永早，偷偷看汝

就會增加讀冊的興趣

我對汝美麗的面頂

吸收著文學的基礎

開始古典主義的風格

尾矣，恬恬看汝

置汝目睷擘金的時

汝是一篇文藝小說

我暗唸在心內

充滿浪漫主義的情懷

這陣，金金看汝

看甲汝目睷契落去

變成一首抒情詩

我會不知不覺動嘴唇

輕輕給汝唸出來

# 冊本欲成齋

唸到上尾的完結篇

汝變成一條故鄉的戀歌

有陣陣櫻花夜雨咧伴奏

我慢慢行入汝的世界

雨水將咱化做無邊的愛

——1999.12.19 初稿，2000.01.15 修訂，並發現本詩的初稿寫置  
生日彼工。發表置2000.9.15 自由時報副刊。

## 註解

① 擘 (beh) 金：眼睛張開。

